

JESUCRISTU SI NGA RULÁ

Ne zapa be ti badu huiini ne zabee lá lu laa Jesús,
purti zulá ca xpinni de irá ni huachee ca'. Mateo 1:21

Purti nadxii xhaata Dios binni guidxilayú ngue runi
bidii tobi lucha Xiiñi', ti irá tu guni cre Xiiñi', ti cadi
initilú sínuque gapa enda nabani ni qué zaluxe.
Juan 3:16

Para na Jesús rabi laabe: —Naa nga neza ca, ne
rusiide ni dxandí' ne rudiee enda nabani ni qué zaluxe.
Iruti zie ra nuu Bixhoze pa cadi pur naa. Juan 14:6

Ne iruti ru stobi zanda ulá laanu, purti iruti ru stobi
ndaani guidxilayú ni ma gudixhe Dios ulá binni.
Hechos 4:12

Primé ni bisiide laatu nga guti Cristu para biaxa
stonda nu, casi cá lu Xqui'chi Dios. ne bicaachicabe
laabe, ne biasa be de lade gue'tu' lu
chonna gubidxa casi cá lu Xqui'chi Dios:
1 Corintios 15:3-4

Purti pur rini stibe bilá laanu, ne ma
bixhá stonda nu, ne nabé nacha'hui be.
Efesios 1:7



And the gospel must first be published
among all nations. MARK 13:10

Nuu tapa cosa ni dxandí' naquiiñe' guiénenu chaahui':

1. Nabé nadxii Dios lii.

Racalá'dxibe gápalu' guendanabani ni qué zaluxe guibá' ra nuube.

Purti nadxii xhaata Dios binni guidxilayú ngue runi bidii tobi lucha Xiiñi', ti irá tu guni cre Xiiñi', ti cadi initilú sínuque gapa enda nabani ni qué zaluxe. Juan 3:16

Racalá'dxibe gápalu' ti guendanabani ni napa stale cosa ne ni napa sentidu ra nuube.

Reeda gubaana' para cuana', para guuti ne para gunitilú. Naa benda para gapa cabe enda nabani, ne jma stale enda nabani. Juan 10:10

Neca zacá, stale binni qué gapa ti guendanabani ni napa sentidu ne qué ganna pa zapa guendanabani ni qué zaluxe purti'...

2. Pur naturaleza sti' binni nga pecador. Nga runi ma' bixelexe' de Dios.

Guirácabe ma' bicheecabe.

Purti irá xixé binni ma bichee ne qué zanda chindá ra nuu enda nandxó' sti Dios. Romanos 3:23

Purti xcu irá enda nadxaba' nga enda rannaxhii binni bidxichi... 1 Timoteo 6:10

Ni riaxa pecadu nga enda guti.

Purti ni riaxa pecadu nga enda guti... Romanos 6:23

Biblia ruzeete' chupa clase guendaguti:

- Guendaguti físicu

Ti tiru si nga gati binni, ne óraque zaca juzgar Dios. Hebreos 9:27

- Guendaguti espiritual o guixélenu de Dios para siempre ndaani' infiernu

Peru cani ridxibi, cani qué runi cre, cani runi yuudxu', cani ruuti binni, cani riuu né jnadxii, cani runi brujería, cani runi adorar bidó' ne irá cani rusiguii la? Apocalipsis 21:8

Pa guixele' binni de Dios pur pecadu sti', xi zanda gaca para gaca chaahui' guendanagana ri' ya'. Stale biaje riní' íquenu ca solución ca nga: religión, dxiiña' galán ne guendanacha'hui'. Peru ti solución si nga ni zeeda de Dios.

3. Jesucristu si nga zanda che' guibá'.

Ndi' nga declaración sti' Dios.

Para na Jesús rabi laabe: —Naa nga neza ca, ne rusiide ni dxandí' ne rudiee enda nabani ni qué zaluxe. Iruti zanda chindá ra nuu Dios Bixhoze pa cadí pur naa. Juan 14:6

Biquixebe guirá' castigu sti' ca pecadu stinu.

Ti tiru si guti Cristu pur ca pecadu stinu, tobi si tiru si guti pur cani qué runi ni na Dios, ti ganda uchiña laanu ra nuu Dios. 1 Pedro 3:18

Purti pur rini stibe bilá laanu, ne ma bixhá stonda nu, ne nabé nacha'hui be. Efesios 1:7

Napa be promesa de enda nabani ni qué zaluxe.

Ni runi cre Xiiñi be que ma napa enda nabani ni qué zaluxe. Ne tu qué guni cre xiiñi be la? qué ziuu xiana sti Dios luguiá be. Juan 3:36

Purti ni riaxa pecadu nga enda guti; udii Dios laanu enda nabani ni qué zaluxe pur Jesucristu Señor stinu.

Romanos 6:23

4. Caquiiñe' guni crenu Jesucristu para guilanu.

Bilá nu pur enda nacha'hui sti Dios ra bini cre nu Jesucristu.

Purti pur enda nacha'hui sti Dios bilá tu, purti bini cre tu. bidii Dios ni laatu, ne cadí pur ni bi'ni tu, ti cadí chu' tu udxiiiba laca laa. Efesios 2:8-9

Purti tutiica inaba lú lá Señor la? Romanos 10:13

Oración sti' pecador

Bi'ni' orar né fe:

Señor Jesús, nabé rudiee' xquíxepe' lii pur nadxiilu' naa. Rune' confesar naca' ti pecador ne rinaba' lii guni perdonarlu' naa. Xquíxepe' lii pur gútilu' lu yaga, bicaachicabe lii ne biasalu' de lade gue'tu' para quixelu' guirá' ca pecadu stinne'. Rune' cré lii nga Señor ne Salvador stinne'. Ricaa' regalu stilu' de guendanabani ni qué zaluxe ne rudiee' xquendanabane' lii. Gucané naa gune' ni ná guirá' ca mandamientu stilu' ne chuuladxé' lii. Amén.

Pa ma' nápalu' confianza Jesucristu, ma' bizaacalu' ndi':

- Yanna, ma' nápalu' guendanabani ni qué zaluxe ra nuu Dios. Ne ndi nga racala'dxi be gapa irá tu gu'ya Xiii be ne guni cre laabe, enda nabani ni qué zaluxe, ne zandisa laaca dxi iluxe guidxilayú. Juan 6:40

- Guirá' ca pecadu stilu' ma' bi'ni' pagarbe cani ne ma' bi'ni' perdonarbe cani.

(ni ma' gudi'di', ni nuu yanna, ni chigaca)

Peru ti sacrificiu si bidii Cristu para guiaxa ca pecadu sti' binni, ne ma' gurí cue' Dios. Hebreos 10:12

- Laatu nga ti binni nacubi nezalú Dios. Laani nga ra ruzulú xquendanabánilu' cubi.

Nga runi pa nuu tu tobi si né Cristu la? biiya' ma' nacubi guirá' cosa. 2 Corintios 5:17

- Bicaalu' xiiñi' Dios.

Peru irá cani bidxaagalú laabe ne bini cre xpinni be, bidii be lugar aca ca xiiñi Dios. Juan 1:12

Ca dxiiña' galán ca cadi ti neza di' cani para guilanu, sínuque ti prueba o ti frutu de salvación stinu.

Dios bizá' laanu, ne bizá' be laanu para guni nu ni nacha'hui ni maca gudixhe Dios guni nu. Efesios 2:10

Diuxi cu' ndaaya' lii!